

Il Secolo Nuovo e l'anno Santo

D. F. A. ... TOSSI
... NEL N. 12
... RIMINI

POESIA IN DIALETTO ROMAGNOLO



St'an e Pepa e fa una festa
s' vedrà a Roma più d'na testa,
e festeggia per l'an sent
ma d'ian ancora i ne vo un ent
prima ch' venga e secol nov
perchè è ne pas noventanov.
Cla sia st' an ossia steltran
quest' an porta nissun dan.
Quel ca ho chera d' fe savè
ma qualdun chiè ancora indrò
e motiv ca de la scosa
d' fe sta festa tenta groba.
L'invenzioun le giusta e bèla
le e ricord dl' Era novela
ossia dla nascita d' Gesù,
cl' abolì la schiavitù
e che bandì la fratellenza
ià rason ben abbastanza
si' ripèt e centenerie
a Roma in tutt i santuerie.
Però, quel can va tent bein
che quel ca amor mi quàttrein
nissun dl' our s'arcorda pù
del parol ca dett Gesù.
Crist è diss mi su scoler
cl' era pòvre mariner,
st' el parol chlin pend un pel
da quel che scritt a se vangel.
Mi raccomando agli miei,
non credete ai falsi Dei,
un Dio solo noi abbiàmo
e fratelli tutti siamo,
per voler del padre Eterno
regni in noi l'amor fraterno,
tutti assieme a lavorare
e tutti assieme al desinare
senza scuse e ne pretesti,
chi di noi ha due vesti
ne dia una a chi non l'ha;

non intendo a carità
per dovere di fratello
però, al piccolo orfanello
all'impotente, all'amalato
al vecchio, al cieco, al mutilato
dico insomma a quella gente
che non possono far niente.
D'aiutar queste persone
la coscienza ve l'impone.
Se farete a modo mio
il mio padre il sommo Iddio
state certi vi darà
premio eterno e sanità.
Paroli d'or in conclusion,
ma al na avrò l'esecuzion...
pensei bein, e pu gi su...
Chi è ch'agisc com a dett lu!?
Specialment ai temp d'ades
che va aventi l'interes?!...
O liberel o cattolghain
sia anche un sac d'maranghein
do sollevie un diffettous
un zop, un zegh, un pilagrou?
E se qualdoun a me puvrett
chi ii slonga un balocchett
chi è? un operai perchè la prov,
sinò an iè miga nient d'nov!..
Se ai temp d' Crist l'era sent
a ne più quel e mond le un ent
di su dett elt a na resta
che un po ciacara e sta festa.
Le l'an sent pi Piligrein,
per tenta zenta chi va bein,
che i la Roma i va d' gallopa
se vapor da tutt l'Europa
con di portafoi!... burdell,
chi va alloggiè ti prim otell!.
Quand iartorna meda e viaz
le prepared e su pallaz

con la grotta pìna ad vein,
con e grèn ti magazzein,
con cappon, salem, parsiouit
e quel che conta più di tutt
bon da meill sempre content
per sta zenta le l'an sent!..
Ma per chi povre disgrazied
chi na nienca cheld e fied,
chi bramarea d' lavorè
e chi na trova nient da fe,
ch'iurla pen i su burdell
e chi na mod d' trovet invell!
che e padroun an sta più zett
perchè in po paghé l'affett!
chi ne calzed e ne vistid
mort d' fred il la ingrignid!
per sti povre S. Antonie!
le l'an sent?!.. le del demoniel.
In quant a quest lasamma andè
cam so stoff da' raggiunè.
Me ca ho lett un po la storia
av voi mett ben in memoria
zent'an fà i pilligrinag
com i feva a fe i su viag.
Una volta i pilligrein
iandeva vstid da cappelzein
una gran capa te mantel
senza scherp, senza cappel,
un baston d' moroll tli men
e via chiandeva da lontan
semper semper caminand
e per campè elemosinand.
Quel s' ciameva un sacrificiel
andè a S. Giacomo in Gallizie
in Egitt, i la a Bettlemm,
a visitè Gerusalem,
a tribulè diset-zdot meis
semper a pid per chi paeis.
I sl'imponeva per doveir
ma iftisseva e su pensier
dopp la morta d'andè su!..
oz cla zenta la niè più...
Si va a Roma ai temp d'ades
ch'in confront i va d'apres,
i va in treno in prima clasa
in mett e cul nienca sa l'asa,
ben vistid tutt d' castor,
romontuar, cadini d'or,
i pensa sol d' magnè i caplett

63
di cappoun e di galleitt
dà divertis i qua te mond,
ma iandarà dinzù te fond!
Tralasciamma zert materie
e parlamma un po più serie.
Dop la morta dov ch'sandrà
quest i que nissun e sa...
e ciacarisme poc e prova
che nissun a port la nova
Ma sla fuss com ià raccont
cas toccassa rend i cont
me padroun d'quel ca em fat
i là tla vala d'Giosat,
allora an zova al protezioun
ne iavoched e ne al pussioun!
Ognun sla fronta iavrà scritt
al bon azioun, e i su dellitt;
e dop avud la gran sentenza
ognun d'noun farà partenza.
Quei che sted i qua te mond
impostour e vagabond
chià tradi la leggìa d'Crist,
iandarà con Lanticrist
o t'un burroun o tua caverna
o con e Dievol a t'infurna.
E quei invec ca lavorè
ca campè e lassè campè
insomma quei che ste più bon
chi na de dan a ma nissoun
con l'Arcanzul Gabriel
i volerà tutt in te ciel
a t'un pianeta o t' una luna
che sarà la su fortuna.
Donca zenta i qui davent
sa vlemm che l'an e sia sent
aiutamse e vlemse bein
come geva e Nazarein
famma tutt e nost dover
tra d'noielt simma sincer
mandamma vi' la cattiveria
ca iavrem menca miseria
a godrem felicità
e allora sent l'an e sarà.
Sa cridi d'spend un baioc
per voielt e conta poc
me a ho scritt la canzonetta
per l'affer dla baionetta.

G. VILLA

— Rimini, Tip. Malatestiana —